

UYILO OLULUNGISELELWE UKUTHATYATHWA KWENXAXHEBA LULUNTU

UMTHETHO KAMASIPALA OPHATHELELE KWIZAKHIWO/UMHLABA

INTSHAYELELO

NJENGOKUBA uMasipala weSixeko saseKapa egunyazisiwe ngegunya elisemthethweni ngokwemiqathango yoMgaqo-siseko weRiphabliki yoMzantsi Afrika, we-1996;

YAYE NJENGOKUBA uMasipala: uMthetho woLawulo lweMali kaMasipala, wama-2003 (uMthetho wama-56 wama-2003) kunye noMasipala: uMthetho woLawulo lweMali kaMasipala, wama-2003 uMthetho woKhutshelo lweMpahla kaMasipala usebenza kukhutshelo nokuthengiswa kwezakhiwo / umhlaba othile eziselungelweni loomasipala nokunikezelwa ngoomasipala kwamalungelo okusebenzisa, ukulawula izakhiwo / umhlaba othile;

YAYE NJENGOKUBA iSixeko saseKapa sifuna ukuqwalasela imiba ethile eyongezelelweyo ngokubhekiselele kwizakhiwo/umhlaba kumthetho kaMasipala;

Nokokuba ngoko umiselwe siSixeko saseKapa ngolu hlobo:

ISALATHISO

1. IINKCAZELO
2. UKUFUNYANWA KWESAKHIWO / KOMHLABA KUNYE NAMALUNGELO KWIZAKHIWO / KUMHLABA
3. UBUNINI BEENDAWO ZIKAWONKE-WONKE NEZITALATO ZIKAWONKE-WONKE
4. UKUVALWA KWEENDAWO ZIKAWONKE-WONKE NEZITALATO ZIKAWONKE-WONKE
5. AMABANGO AMISELWEYO
6. UMHLA WOKUQALISA
7. UKURHOXISA

1. **IINKCAZELO** – Kulo mthetho kamasipala, ngaphandle kokuba akuhanjelwana nobume -

“**ukuvala**” ngokubhekiselele kwisitalato sikawonke-wonke okanye indawo kawonke-wonke kuthetha ukuvalela zonke iinjongo okanye kwiinqwelo okanye kubantu abahamba ngeenyawo kuphela;

“**umasipala**” uthetha umasipala weSixeko saseKapa;

“**ingingqi kamasipala**” ithetha ingingqi ephantsi kwegunya nolawulo lukamasipala;

“**indawo kawonke-wonke**” ithetha nawuphi na umhlaba okanye isahlulo ngoko esiboniswe kwisicwangciso esamkelweyo, kumzobo okanye imaphu njengendawo kawonke-wonke apho ubunini obunjalo busezandleni zikamasipala;

“**isitalato sikawonke-wonke**” sithetha

- (a) nasiphi na isitalato esithe nangaliphi na ixesha -

- (i) sasetyenziswa ngaphandle kokuphazanyiswa luluntu ngesithuba esimalunga namashumi amathathu eminyaka;

- (ii) sabhengezwa okanye sasetyenziswa ngokunjalo ngumasipala okanye nawuphi na ugunyaziwe ofanelekileyo;
 - (iii) Sakhiwa ngumasipala; okanye
 - (iv) Sakhiwa ngumntu ongomnye ngaphandle komasipala yaye siphantsi kwamagunya kamasipala;
- (b) nawuphi na umhlaba, onazo okanye ongenazo izakhiwo kuso, oboniswe njengesitalato:-
- (i) nakusiphi na isicwangciso secandelo okanye umzobo owamkelweyo ngumasipala okanye omnye ugunyaziwe ofanelekileyo ze kusetyenzwe kuso; okanye
 - (ii) nasiphi na isicwangciso okanye umzobo njengoko uchaziwe kwicandelo le-15 loMthetho woCando loMhlaba, we-1997 (uMthetho wesi-8 we-1997), obhaliswe okanye ofayilishiweyo kwiofisi yoMgcini-ncwadi weNcwadi yesiGqibo okanye iofisi yoNocanda Jikelele.

Ngaphandle kokuba umhlaba onjalo ukwasicwangciso esinjalo okanye kumzobo uchazwe njengesitalato sangasese.

2. **UKUFUNYANWA KWESAKHIWO/UMHLABA KUNYE NAMALUNGELO ESAKHIWO/OMHLABA**

- (1) UMasipala unakho ukufumana isakhiwo/umhlaba kunye/okanye namalungelo esakhiwo/umhlaba ngaphakathi okanye ngaphandle kwengingqi kamasipala waso ngendlela yentengiso, ukuhluthwa, ummiselo wokuthand' ukwazi, umnikelo, isipho, ingqeshiso okanye nangayiphi na indlela.
- (2) Umasipala unakho ukuhlutha isakhiwo/umhlaba kunye/okanye unakho ukuthatha ilungelo lokusebenzisa isakhiwo/umhlaba okwethutyana ngaphandle kokuba amagunya anjalo aya kusetyenziswa kuphela ngokusetyenziswa *kwamalungelo okwenza iinguqu ezifunekayo* ngokuhambelana nezibonelelo zoMthetho wokuHlutha, we-1975 (uMthetho wama-63 we-1975), okanye nawuphi na omnye umthetho ofanelekileyo, ngaphandle kokuba uhlutho olo lunjalo luya kuba ngeenjongo zoluntu okanye lusemdleni woluntu yaye kuxhonyekeke kwintlawulo yembuyekezo.

3. **UBUNINI BEENDAWO ZIKAWONKE-WONKE NEZITALATO ZIKAWONKE-WONKE**

Ubunini bezakhiwo/umhlaba apho uluntu lwengingqi kamasipala lunakho okanye lunganakho ukufumana ilungelo elifanayo ze zonke iindawo zikawonke-wonke kunye nezitalato zikawonke-wonke, kunye nomhlaba obandakanywe kwiindawo ezinjalo kunye nezitalato ube phantsi kwegunya likamasipala.

4. **UKUVALWA KWEENDAWO ZIKAWONKE-WONKE KUNYE NEZITALATO ZIKAWONKE-WONKE**

- (1) Umasipala unakho ukuvala iindawo zikawonke-wonke kunye nezitalato zikawonke-wonke okanye nasiphi na isahlulo sezo ndawo ezinjalo okanye izitalato kuphela emva kokuba:-
 - (a) epapashe iinjongo zakhe zokwenza njalo; yaye
 - (b) enike ingqwalasela kunye nokuchithwa kwayo nayiphi na inkcaso engenisiweyo, ukuba ikho, ngokuhambelana kunye nopapasho olunjalo ze kubhalwe phantsi izizathu zalo ngoko.
- (2) Nangona izibonelelo zomhlathi (a), umasipala unakho ukuyivala okwethutyana indawo kawonke-wonke okanye isitalato sikawonke-wonke.

5. **AMABANGO OMMISELO**

Nangona nawuphi na umthetho ophilisayo, isakhiwo/umhlaba oselungelweni likamasipala awusayi kuba nokufunyanwa nanguwuphi na umntu ngommiselo.

6. **UMHLA WOKUQALISA**

Lo mthetho kamasipala uya kuqala ngomhla wopapasho.

7. **UKURHOXISA**

Lo mthetho kamasipala, ukususela kumhla wokuqaliswa, urhoxise uMthetho kaMasipala oNxulumene noLawulo lweSixeko saseKapa ophathelene neSakhiwo / umhlaba opapashwe kwiGazethi yePhondo 5988 womhla wama-28 kuFebruwari wama-2003.